

巴陵縣志卷之二十

列女

中壘列傳大家七誠笄禕之倫不聞其專以節烈著稱也顧遇變集蓼或饑寒奪志或凌暴怵守能茹荼以全貞磨笄以勵節抑何難與考邦媛於昔韓女之詩徐婦之詞慷慨纏綿卓然與柏舟爭烈則凡心盟皎日者不皆香播蘭蕙乎明景內映朗節外新激揚貞風是宜臚列之以為女鵠作列女志

節婦

巴陵縣志

卷之二十

列女

明

黎受三妻藍氏早歲夫亡無子依弟榮孀居五十年卒年七十四洪武初旌表見一統志

方可漣妻沈氏少寡子幼舅欲奪其志沈刺面守節教子成立有司請於朝旌之見一統志

一為可漣之妻一為方隆之母一統志與湖廣通志所載不同省志兩存之府志亦止載隆母是否係一人無從考核備載之以免湮沒

方志通妻易氏年二十守節撫一歲孤力貧養姑姑病禱以身代竟瘞奉養愈謹孀居四十餘年成化初旌表見一統志



陳學明妻張氏年二十而寡無子或勸改節
可以夫兄子爲後辛勤撫育孀居五十餘年成化
間旌表見一統志

李信妻徐氏衛籍年十七歸信生子英甫三歲信
調征靖州沒於戍所氏年二十四清苦自勵孝養
其姑葬祭如禮宏治初旌表見一統志

柳大潛妻楊氏年二十六守節舅姑欲奪之誓死
赴水而止撫三歲孤成立見省志

謝紀妻李氏性顛樸年二十四夫死慟哭屢絕遺
腹生子梅鞠育成立皓首一志宏治間旌表見一

巴陵縣志

卷之二十

列女

二

統志

按省志據一統志云李氏遺腹生子府志云
妾遺腹生子撫如已出時李氏年二十四似
不應遽有妾茲
從省志載之

王昇妻周氏衛籍年十八生一女昇以千戶出征
沒於陣氏守節以終宏治間旌表見一統志

朱宣妻陳氏衛籍宣任指揮使沒於陣氏年二十
二守節四十餘年宏治間旌表見一統志

方成德妻陳氏年二十三守節無子母欲奪而嫁
之氏誓死七日不食乃止年五十五卒見省志

文希道妻蕭氏年二十二守節嘉靖間知府陸瑯

給粟帛獎之見省志

按府志誤作華容人今從
省志及湖廣通志改之

生員唐應治妻顏氏夫早卒氏年十九七日不食
悲號泣涕成血生孩三歲撫之以守叠遭舅姑之
喪拮据營葬萬歷三十九年題旌子世柱官戶部
封太宜人見省志按府志未載顏氏封典及
子官爵今從省志補之
唐一俊妻胡氏年十九夫死無子恐爲人所奪遂
剪髮自誓立後苦守院司表異之見省志

方某妻沈氏少寡子隆年九歲舅姑欲令改適氏
毀容誓志撫子成立隆登萬歷己卯鄉薦詔建坊
旌表見省志注見前

項大模妻李氏年二十一適模甫六月模故遺腹

巴陵縣志

卷之二十

列女

三

生子應昌啣哀鞠育遭寇亂攜孤匿山中辛苦百
端教子成立明季官常德衛指揮 國朝郡守胡

咸給額旌之見省志

按項李氏省志收入岳
州府屬誤刻武陵人

國朝

趙萬卷妻唐氏夫歿歿欲以身殉姑何氏守視甚
密得免姑病坐卧扶持彌月不倦無子撫姪再詩
爲嗣康熙五十九年 旌表建坊見省志

生員許伯泰妻傅氏伯泰自長沙以母病急歸中
途溺死氏年十九生孩六月撫之守節以終乾隆
六年 旌表建坊見省志

尹隆彩妻張氏年二十七隆彩沒誓欲殉死姑夢
氏委曲勸諭氏乃截髮納棺中矢志守節乾隆十
三年 題旌建坊見省志

陳如文妻熊氏年二十六夫亡誓以身殉姑諭之
曰姑寡子幼汝死依誰遂絕髮矢志奉姑撫子守
節終身乾隆十三年 題允建坊

汪世柱妻王氏世柱兄弟四長二先沒翁姑皆以
憂鬱成病氏于歸躬親湯藥不安寢席者數月後
世柱亦逝氏年十九孤兒方七月氏決意從夫姑
防之痛定乃割髮誓守未幾世柱弟復歿止存數

巴陵縣志

卷之二十

列女

四

月貌孤氏以大義勸翁娶妾楊氏晚生一子名楨
翁死氏與楊青年苦節撫兩孤成立年三十六卒
猶諄諄以做好人三字誨其子見省志

李瓊妻彭氏年十九適瓊瓊沒氏年二十三瓊兄
弟及妯娌繼亡遺幼子一姪三家貧餽粥不繼誓
不改操盡力撫姪凡製衣履先姪後子婚娶皆隻
身經營姑病脫簪珥求醫藥姑沒率子姪躬親築
墳以孝友教子姪五世猶未分爨遇疾病子姪求
醫氏拒之不令入室云有命在天亦不藥自愈見

省志

李廷誨妻熊氏適李生子三錫而廷誨沒氏年甫十九伯氏欲奪之熊投繯幾死有隣婦喪其夫熊以守節勉之其婦亦以節終見省志乾隆二十年題允建坊

李泰然妻彭氏泰然多病彭謹事之年二十五泰然沒遺子仕清甫週歲剪髮自誓與姑同寢食不離左右仕清甲戌成進士官嘉定令見省志乾隆二十一年題允建坊按項李氏以下舊志率多遺漏且有乾隆十二年以後者今悉考訪補入

巴陵縣志

卷之二十

列女

五

矢志守貞奉養舅姑撫育幼子完節終身乾隆二十二年題允建坊

丁全芳妾鍾氏

錢宛士妻李氏

胡乾一妻劉氏

馮騰漢妻陳氏

陳山岱妻黃氏

金三繡妻江氏

李湘峯妻董氏

劉君爵妻王氏

劉皇珍妻曹氏

按以上十氏皆乾隆二十年間人丙寅府志以未奉旌表亦未通詳未載事實今止有袁許氏舊案可查餘無從考核仍備錄姓氏以誌不朽

生員張定邦妻龍氏年二十四生子光前甫二

定邦亡氏撫孤成立教以義方事孀姑備極孝
家貧與釵笄以奉甘旨孫宗清領鄉薦官寧鄉教
諭卒年七十二乾隆二十八年 題允建坊

陳商書妻沈氏年十八歸陳越二載夫亡哀痛欲
殉姑勸勉之曰汝夫妖汝又誓死獨不念余哀爾
夫乏嗣耶氏悟遂斷髮置夫懷矢志堅守始終一
致撫姪學濱爲嗣紡績奉姑姑患疽氏以口吮之
得愈人稱其孝乾隆四十三年 旌表建坊

龍用周妻汪氏年十八用周亡子甫四月抱子觸
棺幾死姑勸強起營葬孝奉翁姑茹苦撫孤乾隆

巴陵縣志

卷之二十

列女

六

四十四年 題允旌表

張濱衛妻晏氏年二十而寡遺子幼氏堅貞自守
事姑盡禮教子成立有司以聞乾隆四十六年

詔旌其閭

趙啟忻妻費氏年二十一夫亡子元瀛甫三歲誓
志守節敬事舅姑端嚴慈惠動循禮法教子列成
均歷四十餘年不易其操嘉慶五年 題允建坊

張心純妻劉氏年十八歸心純越兩載夫沒無出
氏矢志不二夫兄心裁爲明季諸生丁世變爲賊
所掠其婦王氏生子甫二歲王亦卒劉氏大病曰

張氏止此一塊肉耳茹苦食蓼撫姪成立子孫繩宗祀賴以不絕氏生前明天啟間至國朝雍正二年卒眼觀五代守節八十餘年壽一百零三歲

周楚問妻李氏年十九夫亡生子甫四月氏孝養翁姑教子成名卒年九十有六

生員楊世儼妻吳氏正妻喬氏無出吳年二十四世儼故遺腹生子喬與吳同志撫孤完節終身後裔孫爲楫登進士吉人善慶俱領鄉薦喬年八十八終吳卒九十六歲

羅世寧妻黃氏二十五歲而寡生子甫週氏辛勤撫孤翁姑沒葬祭合禮後子媳俱逝氏撫育幼孫眼觀五代壽九十三而卒

孫試圭妻胡氏年十九試圭早世遺孤幼翁姑憐其少欲令改適氏誓死不二身任操作事親孝敬子孫皆成立年九十三而終

周魯侯妻余氏年二十三生子代三甫二齡魯侯歿撫子守志代三又早世媳余氏年二十四姑媳共守至老不渝姑壽九十終媳六十有五而卒

賈肇由妻李氏年二十三歸賈兩載夫亡遺一孤

矢志守貞時有奪其志者氏斷指明心卒年八十八歲猶存斷指同瘞

羅倫叙妻何氏年二十一夫亡矢志守節事翁姑孝謹撫二子成立八十六歲完節而終

宋海安妻馮氏年十九適宋四載夫亡生子方七月氏誓死靡他色養孀姑撫孤成立守貞六十三年八十六歲卒

生員李國佑妻龍氏佑歿氏年二十六無子撫繼承嗣奉養舅姑守節終身年八十六卒

許正茂妻尹氏年二十六而寡子之盛方五歲教

巴陵縣志

卷之二十

列女

八

讀入泮事翁姑以孝稱子又早世撫孫成立眼觀四代孀居五十八載卒年八十五歲

劉帝右妻吳氏年十八夫亡遺孤三歲冰霜矢志壽八十五而終

胡臣侯妻李氏年二十七而寡苦志撫嗣慈惠衆著終年八十有五乾隆四十七年巡撫李湖給額獎之

劉添仲妻楊氏年二十六添仲亡誓志守節白首完貞壽八十四卒巡撫覺羅承德額表其閭

陳節文妻龍氏年二十七夫歿撫二歲孤子冰霜

矢志終身無玷卒年八十二歲

邱涵遠妻黃氏年二十一夫亡遺腹生子永淑家赤貧有勸其改適者氏誓死不從勤苦紡織撫孤課讀子補邑庠生年八十二卒

江濟全妻李氏年二十八夫亡家貧子幼紡績度日完節終身卒年八十二歲

余合一妻熊氏翁伯勲生三子長合一次祚孳三仕爵長媳熊氏年十九歸合一僅四月夫故遺腹生子熊青年守貞誓死靡他次媳梁氏年二十四生子僅三歲祚孕亦卒翁垂暮方冀季子可依無

巴陵縣志

卷之二十

列女

九

何仕爵又亡媳滕氏年二十一子甫一週一門三寡同心勵節熊七十三歲梁七十五歲滕八十一歲俱能完節而終

李萌若妻項氏年二十四生子甫四月萌若亡氏柏舟矢志終身無瑕年八十餘卒

羅之光妻易氏年二十六而寡遺孤二長生瓊甫三齡次生材僅五月氏苦志自守撫子成立無何生材又卒妻陳氏年二十七無子撫姪承嗣與姑易氏同矢清操易壽終八十陳年五十六歲張旻字繼妻易氏年十八字素病與疾親迎一夕

卽亡氏欲以身殉其母守護之得免撫原配楊氏一歲子視如已出家貧紡績自給張氏三世一孤賴撫成立諸孫多列鬻序五世同堂壽八十卒生員胡尙義妻王氏年二十二而寡矢志不二撫孤成立卒年八十歲

李百瞻妻傅氏年二十八夫亡子幼艱苦勵志清操不懈眼觀四代壽終八十歲

許周榮妻羅氏年二十六夫亡家貧苦節至老不移卒年七十八歲

胡早秀妻吳氏年二十夫亡無子撫姪爲嗣堅貞勤樸終身不渝卒年七十八歲

巴陵縣志

卷之二十

列女

十

朱之卓妻宗氏年二十四夫亡子甫五歲孝事兩孀姑生養死葬皆氏隻身經營守節五十四載終年七十有八

李幼安妻曹氏年二十一生子甫週卽寡矢志守貞孝事舅姑撫子成立卒年七十七歲

陳學祥妻蘓氏年二十二歲學祥卒氏柏舟自矢克盡孝養年七十七而卒

生員易經天妻杜氏年十九夫亡遺孤方襁褓矢志撫孤事舅姑孝謹未幾孤殤氏哀痛幾死舅姑

歿葬祭盡禮全節終身卒年七十有六

謝搢賜妻杜氏年二十九而寡遺腹生子盛冰霜
自誓教子成名守節四十八載卒年七十七歲嘉
慶八年 題請旌表

劉時敏妻狄氏年十八夫亡無子撫姪承嗣家貧
茹苦守節六十載而終

生員趙洵妻彭氏年十八夫歿無子撫姪承嗣至
老不渝年七十四而終

熊道化妻余氏年十八生子甫三歲卽寡食貧守
節孝事孀姑子復盲目而卒偕媳撫孫始終不懈

巴陵縣志

卷之二十

列女

十一

卒年七十三歲

生員許師禹妻吳氏年二十夫亡家貧守節有誘
一之改適者氏誓死明心卒完其節年七十二終

張三齊妻傅氏年十九歸張三載夫亡遺孤祖武
方襁褓撫養訓讀苦節五十年壽終七十二歲子
成諸生孫曾詩書繼業

白世漣妻龍氏年二十一夫亡無子繼姪應泰承
祀教讀入泮旋早世孤苦守節撫孫成名年七十
二而終

陳載陽妻喻氏于歸一載年十七夫卒無嗣姑憐

其少命改適氏誓不二天姑歿歸依母家紡織
給積金於葫蘆港修橋一座行旅賴之年七十卒
生員楊善大妻陳氏夫早逝矢志不二勤苦紡織
撫姪成立年七十一卒

陶經偉妻易氏年二十一夫亡撫子貞操不易後
子媳相繼俱殞遺一孫氏食貧撫育克承先祀年
七十一而卒

陳宗文妻李氏年十九夫喪遺孤光清甫六月氏
孝養公姑喪葬盡禮子遊泮旋卽早世復撫三孫
長廷標亦入邑庠終身勵志壽七十一而終

巴陵縣志

卷之二十

列女

三

傅光前妻李氏年二十四光前卒子甫週歲氏矢
志靡他子復早世偕媳撫孫苦節四十七年卒時
七十一歲

監生毛廣文妻黃氏年二十而寡一子甫九月多
病氏苦心調護俾至成立事舅姑以孝聞家貧毫
無怨色年七十餘卒

于天祚妻彭氏年二十而寡撫子成立治家整肅
卒年七十餘

周元凱繼妻陳氏年十八歸周半月夫亡氏撫元
配楊氏子根也教養成成立勤紡績奉翁姑甘旨後

亦早世媳劉氏年二十五姑媳孀居撫孫嗣
邑庠氏年俱七十餘卒

原寧夏叅將張震妾劉氏年二十五震卒於官屬
續時囑以氏青年送歸母家氏誓死靡他隨櫬回
里敬事大婦慈撫幼子守節終身年七十而卒
生員劉良誌妻羅氏貢生維理母童年歸劉卽得
舅姑歡及婚婦道克謹良誌卒誓志撫孤家素窘
氏躬親操作辛苦備嘗上供滫瀡下資膏火之費
無失禮焉媳易氏早亡氏撫諸孫一如教子法次
孫應槐旋補弟子員年七十卒

巴陵縣志

卷之二十

列女

三

李欽琨妻孫氏年二十夫亡無子一女僅週歲繼
嗣復歿氏堅貞自守之死靡他零丁孤苦歷五十
年卒年七十歲

姜遇立妻鄧氏年二十夫喪無子繼姪承嗣孝事
舅姑喪葬盡禮守貞五十載卒年七十歲

龍鳳廷妻徐氏年二十一夫故遺孤龍文甫二週
茹苦守節子復歿與媳張氏撫孫成立徐年七十
張年五十俱終

劉良侃妻陶氏年二十失偶遺孤維綱僅四月氏
苦志守節抱養許姓幼女爲媳同乳共哺甫完配

維綱又卒與媳許氏共守堅貞食貧不懈年六十九歲而終

監生許萬才妻謝氏夫故氏年二十七家貧子幼柏舟矢志皓首完貞卒年六十八歲

周開烈妻龔氏年二十六夫亡一子方四齡家貧姑瞽夫歿時深以爲慮氏誓承夫志善事瞽姑終身不懈卒年六十有八

陳公俊妻任氏年二十八而寡守節撫孤冰霜一
致年六十七卒

陳明厚妻胡氏年二十六夫亡冰操全節卒年六

巴陵縣志

卷之二十

列女

十四

十六歲

潘德薊妻盧氏年二十八夫亡二子俱幼氏冰雪盟心和諧妯娌詎諍不聞延師課讀子孫多列庠序年六十五而卒

夏文桂妻隋氏年十九夫亡子甫一週家極貧有勸其改適者氏謂姑在堂有子可守窮何傷後子生孫旋俱早喪撫姪承祀卒年六十五終身完節監生許萬瓚妻謝氏年二十七夫亡守志訓子勵

恤貧困自甘淡泊卒年六十五歲

翼妻徐氏年二十三夫卒家貧子幼茹苦堅

守紡績奉姑孝養不衰子福照補弟子員督學
整給額表其門

生員鄒長馭妻張氏年二十歸鄒兩載生子甫三
月夫歿繼姑欲奪其志氏破面毀容斷指自誓愈
盡孝養卒成其節六十四歲而終

許忠詞妻謝氏年十九夫卒遺腹生一子氏冰雪
盟心誓死不二訓子勤學年六十四完節終

生員許忠鎬妻劉氏年二十七夫亡一子甫八月
氏冰兢自守訓子嚴肅年六十四卒

黃學四妻楊氏年二十四夫亡家貧無子撫姪復

巴陵縣志

卷之二十

列女

十五

歿氏冰操自凜事舅暨繼姑備極孝養苦節四十
載卒年六十四歲

熊學淵妻易氏年二十六而寡事繼姑維謹撫子
成立終身不渝年六十四卒

楊統妻李氏年二十五夫亡矢志不移孝事公姑
喪葬盡禮撫子成立長子大雅列成均守貞三十
八年卒時六十三歲

監生陳科潤妻方氏年二十五夫亡矢志撫孤其
姑藍氏亦早寡氏奉侍孝謹能得姑歡冰操共
守節三十八年

生員胡際明妻蔡氏夫早喪氏冰心守節孝事姑卒年六十二歲白首無瑕

許忠鏞妻劉氏二十五歲而寡苦節撫孤至老不易年六十二卒

李壽城妻張氏年二十生子九月夫亡孝事翁姑訓課孤子苦節艱貞終身不渝年六十二而卒

王顯貴妻向氏年二十七夫歿子甫三歲撫育成立孝事祖姑守節三十年

張文炳妻楊氏年十九歸張未三月夫遠出不返翁姑在堂氏辛苦奉養喪葬盡禮家徒四壁又無

巴陵縣志

卷之二十

列女

十六

可繼者後歸居母家針黹度日父母亦年老無依殯葬皆氏經營孤苦終身六十餘歲卒

宋芹波妻朱氏年二十三夫亡堅貞自守奉姑撫幼甘苦備嘗卒年六十一歲

舉人黃文瑛妻方氏年二十二而寡氏誓不二天事舅姑盡禮撫孤澄德課讀有方亡何澄德卒媳

柳氏年甫二十遺孤方在襁一縷僅延姑媳相依水操共矢方守節四十餘年柳年六十卒

王昌後妻楊氏年二十二夫亡氏誓不二志撫孤教讀年六十完節而終

吏員高魁妻劉氏年二十七夫亡奉姑撫幼苦節三十餘年卒年近六十

監生許忠祖妻彭氏年二十六夫故無子撫姪承嗣教之成立守節三十三年卒年五十九歲

李亞南妻陳氏年十九夫亡矢志不二撫姪承嗣家貧紡績苦節四十年卒年五十九歲

李植朝

原姓蕭

妻李氏夫亡時氏年二十五歲無子

孝事舅姑撫姪修德爲嗣教讀入太學年六十終余永年妻柳氏年二十二夫亡子幼守節終身

王正君妻何氏年二十五夫亡孝事孀姑撫二子

巴陵縣志

卷之二十

列女

七

成立苦節三十二年卒年五十七歲

李世奇妻高氏年二十六夫亡矢志不渝守節三十一載卒年五十七歲

陳鴈鳴妻姚氏年二十三鴈鳴卒一子甫三齡氏堅志守貞清操一致五十七歲而終

張必慎妻熊氏年二十七必慎歿氏敬事高堂訓課孤子守志歷三十年五十七歲卒

林華文妻張氏年二十六夫亡子幼篝燈紡績伴子課讀後子學超補弟子員翁姑猶在堂奉事不懈守節逾三十年卒年五十七歲

王士祿妻葉氏年二十八夫亡奉親撫子孝慈兼盡卒年五十六歲孫柏珣入郢庠

原廣西巡撫方顯妾陳氏年二十二而寡誓以身殉力勸乃已二親老且獨氏迎養於家終其身葬祭如子守節三十餘年卒年五十有四

生員彭世拔妻湯氏年二十四夫亡家貧乏嗣撫姪承祧年五十三完節而終

監生鄒翥妻傅氏年二十六翥亡氏守貞撫孤終身無玷卒年五十二歲

杜秉文妻易氏年二十七夫偶上奉翁姑下撫幼

巴陵縣志

卷之二十

列女

十六

子守節二十五年卒年五十二歲

監生閻廷淑妻黃氏性端嚴嘖笑不苟年二十四夫故矢志堅貞撫姪承祀事舅姑維謹冰操二十七年卒年五十一歲

生員趙澍妻余氏年十九夫亡無嗣僅一女苦節五十餘年完節以終

舉人彭世瑛妻李氏年二十七夫早世遺孤應銓甫七齡上事祖翁暨翁姑孝謹教子力學備極劬勞年五十卒子列明經孫昌隆亦歲貢昌運成進士官廣昌令

歐隆輝妻李氏自幼適歐二十一歲夫亡矢志守節事姑撫子年逾五十而卒

監生方善治妻黎氏年二十四夫亡撫子長掄元教讀入泮治家有法夫弟君山亦早世妻黎氏年十八氏勉之曰婦人從一而終再醮是二天也媻感其言同志守貞繼姪其英俱能全節以終

陳青德妻方氏事舅姑孝敬年二十四而寡夫弟二俱幼遺孤時棟甫一歲氏茹苦撫孤暨幼叔成立教子食廩節冰操不易完節而終

方宣綵妻唐氏年二十六夫亡遺腹生子撫孤守志完節而終

巴陵縣志

卷之二十

列女

九

周禹廷妻楊氏年二十二夫亡苦志撫孤自首完貞現年九十歲

李應貢妻鄒氏年十九夫亡號泣數絕欲以身殉遺子銓方襁褓族黨憐其少寡諷令再適氏截髮自誓無何銓又卒媳程氏年二十三生子正傑正偉與姑同守姑悲失壯子哀慟思死氏強爲勸慰絰紡供膳能悅姑志撫子成立長正傑入太學清操共勵人稱雙璧鄒年八十八程年六十三郡守邑令屢表其宅嘉慶八年詳題旌表

龍用緒妻張氏年二十二而寡子甫一歲矢志守節至老不渝現年八十二歲嘉慶七年督學何學林給額表其廬

李南穎妻王氏年二十八南穎歿家貧守志孝事繼姑持家撫子備極艱辛現年八十二歲

周廣廷妻李氏年二十八夫亡矢志撫孤歷久不渝現年八十二歲

龍清河妻鄧氏年十七歸龍逾年夫亡誓矢靡他子宗珀甫過歲氏辛勤撫育中年宗珀又卒偕媳李氏冰霜共守現年八十歲嘉慶八年郡守張五

巴陵縣志

卷之二十

列女

二十

緯給額獎之

龍文泮妻熊氏年二十六文泮卒氏撫孤守志全節五十四年現年八十歲

萬允矣妻何氏年二十四生子三月夫歿矢志撫孤子媳又相繼亡鞠育幼孫孤苦勵節現年七十九歲

胡輝夏妻文氏年二十夫亡無子撫姪詩秀爲嗣娶媳易氏年二十四詩秀繼歿姑媳共守文年七十三歲易亦五十有二始終不渝其姪詩錦亦旋亡姪媳程氏年僅十九生子甫六月矢志守貞

今三十年與易氏共事一姑甘旨不缺滷菹一
三節

龍用洽妻余氏年二十三夫故僅一女繼姪文絡
復早世媳李氏年二十五亦無出姑媳共守復擇
繼承祧余年七十八李亦現年六十餘

楊嗣宇妻胡氏年二十四夫亡無子撫姪承嗣孀
居五十四年現年七十有八

監生李永泐妻方氏年十八歸李越五載夫歿遺
孤方在襁氏矢志靡他有探其意者乃截髮自誓
事舅姑敬執婦道祭塋合禮孤大儒列成均冰操

巴陵縣志

卷之二十

列女

三

五十年嘉慶八年 題請旌表

熊太常妻張氏年二十四夫故子昌明僅三歲翁
姑憐其少欲令改適氏誓死守孝養不衰旋昌明
又卒遺孤甫一週媳李氏年二十二冰霜共勵苦
節三十載卒時猶以不克終養孀姑爲憾張現年
七十六歲李卒年五十有二人稱雙節

熊道炳妻侯氏年二十五夫亡敬事舅姑撫子成
名守節五十年現年七十五歲

喻輝朝妻龔氏夫早世家貧苦節有欲奪其志者
氏堅貞自矢現年七十五歲不改其操

鄒煌言妻謝氏年二十七而寡子復瞽目氏八食貧
守志紡績自給現年七十四歲

羅興梅妻古氏幼歸羅姑早喪事舅盡禮年二十
六夫亡繼姪承祀並撫幼叔成立現年七十有三

許元吉妻黃氏年十九元吉卒奉舅姑撫幼子苦
守五十四年現年七十三歲

熊聖通妻鄒氏年二十六夫歿奉姑撫子姑患癯
氏以口吮之得愈後子叙疇又早世媳趙氏年甫

二十相繼守貞趙年五十鄒年七十有二
姜郅治妻童氏年二十四無子郅治卒撫姪為嗣

巴陵縣志

卷之二十

列女

三

奉翁姑克盡婦職食貧苦守現年七十一歲

武舉許良鑑妻周氏年二十六良鑑客京師卒氏
治喪畢誓以身殉姑婉勸乃解課子力學始終一

致現年七十一歲

職員晏續榮妻黃氏年二十四夫亡子幼氏慟不
欲生因老姑在堂無伯叔可倚苦自支持清操四

十餘年現年七十歲

鄒世宙妻李氏年二十五喪夫立志守節敬事孀
姑撫子成立現年七十歲

潘麥浪妻蘓氏年二十五而寡奉姑撫幼貞操無

玷現年七十歲

黃文謨妻張氏年二十八而寡撫二子成立長子光廷復早卒與媳梁氏共勵清操勤苦治家終身不渝張壽八十卒梁現年七十歲

彭濟才妻張氏年二十生子方旬日夫卒撫子成立娶媳又亡母子相依四十餘載現年近七十

鄧崇濟妻譚氏年二十五夫亡矢志不移茹苦自甘現年近七十

李秀函妻朱氏年二十八而寡甘貧守節孀居四十年毫無玷缺

巴陵縣志

卷之

列女

三三

李銘妻張氏年二十六銘故辛勤撫孤敬事姑嫜皓首一致現年六十有九

蔡植璜妻白氏夫早世家貧守志教子翼煥力學現年六十九歲

胡道齋妻廖氏年二十四夫卒遺子周臣甫週氏矢志撫孤子又早世繼撫二孫紡績自給足不踰闕現年六十八歲

鄧鳴岐妻陳氏年二十三夫歿無子撫姪爲後守節四十五年現年六十八歲

周用章妻方氏夫歿氏年二十無子撫姪復歿孝

事老姑垂老無依歸養母家現年六十八歲

吳文蔚妻李氏年十九少寡遺孤僅數月家貧守節歷久不渝現年六十八歲

周南儔妻李氏年二十三南儔故家素貧遺孤三月茹苦撫孤現年六十八歲

許漢光妻李氏夫病篤謂之曰守與適聽卿自裁氏截髮自誓夫卒事上撫幼食貧自守年六十八

傅才妻陳氏年二十夫故苦節撫孤現年七十歲

葛興蛟妻周氏年二十二夫故無出矢志靡他繼夫弟興觀次子爲後興觀又卒妻鄭氏年二十五

巴陵縣志

卷之二十

列女

三十四

孀居撫孤妯娌共勵白首完貞周年七十九鄭年六十八歲

何興瑤妻龔氏年二十一生子未週夫棄世家貧撫孤現年六十七歲

熊秉尊妻蘓氏夫亡時氏年二十二家貧無子誓不二天撫姪承祀現年六十六歲

李長泰妻陳氏年十八歸陳一載生子不育夫家貧遠傭客死於外氏哀慟幾死時年二十三歸依

父兄紡績度日苦節四十三載現年六十有六鄒希孔妻毛氏年二十八夫卒守節孝事馨姑未

嘗稍懈現年六十六歲

趙明魁妻潘氏年二十八而寡子甫二歲氏上事舅姑下撫幼子孀居三十六年現年六十五歲任正國母李氏年二十五夫歿家貧矢志至老靡他現年六十五歲

周宗岐妻劉氏年二十六而寡遺孤嗣璉僅六月氏事姑暨祖姑維謹撫子成立現年六十有五楊學秀妻劉氏年二十七夫棄世誓不再醮撫二子成立現年六十五歲

蔣慎欽妻許氏年二十一夫亡無子撫姪希關爲

巴陵縣志

卷之二十

列女

三五

嗣苦節四十四載現年六十五歲

劉鯤妻李氏年二十六夫亡子甫五齡氏立志不二守節三十八年現年六十四歲

胡渭光妻楊氏夫早世青年撫孤垂老一致現年六十四歲

周鏗音妻劉氏年二十五而寡立志撫孤守節不移現年六十四歲

陳任夫妻張氏年二十八夫亡子清榜甫六月氏矢志靡他清榜入太學旋即早世與媳李氏共守堅貞撫孫成名張享壽終李現年六十四歲

廖濟渙繼妻王氏年十九夫卒矢志冰霜撫前
子如已出督耕課讀慈嚴並濟現年六十有四
孫文臯妻劉氏年十七歸夫以勤學致疾氏奉湯
藥兩載無倦容夫卒清操自勵撫姪承嗣現年六
十有三

周嗣錦妻許氏年十八歸錦越四載夫亡子清甫
三月氏事祖姑暨翁姑孝敬教子力學成諸生守
節四十載現年六十有二嘉慶八年 題請旌表
高則召妻王氏召以攻苦致疾卒氏年甫二十遺
孤方九月氏哀毀欲殉翁姑婉諭之乃止族隣有

巴陵縣志

卷之二十

列女

三

探其意者輒截髮明志食貧守貞事翁姑孝謹姑
嘗謂人曰吾有婦恒不覺其無子也翁姑歿塋祭
合禮教子銘几成名守節四十三年

黃時六妻胡氏年二十三而寡矢志守貞上奉舅
姑下撫幼子苦節三十八年現年六十有一
徐超鴻妻李氏年二十一而寡家貧子幼誓志靡
他事姑盡禮現年六十一歲

王光國妻胡氏年二十九夫亡逾月遺腹生子奉
姑撫子守節三十二年現年六十一歲
周開材妻方氏年二十七材卒遺孤又歿撫姪

承祧教讀入成均守節三十四年

李永拔妻張氏年二十五永拔亡撫孤守志辛勤自持現年六十一歲

余載遠妻喬氏年二十七夫卒孝事舅姑撫子成立守節三十四年現年六十一歲

張光福妻孫氏年二十二生子方七日夫亡茹苦守節三十九年現年六十餘

傅文勝妻毛氏年二十六夫亡一子甫五歲家貧苦節現年六十餘

傅文秀妻張氏年二十五夫亡遺孤甫二週越一

巴陵縣志

卷之二十

列女

七

載孤復歿恩撫嗣子堅勵清操孀居四十餘年

貢生張勝燦妻趙氏夫早世奉姑孝謹教子應恩勤學守節二十餘年

任爾南妻童氏年十九夫故子又歿氏矢志守節繼嗣承祧現年六十歲

李采五妻方氏年二十九而寡撫孤守節現年六十歲

彭兆唐妻余氏年二十六而寡守節撫子子師瑗又卒媳費氏奉養孀姑共誓柏舟余年七十餘費現年六十歲

費先訓妻何氏年二十一先訓卒氏甘心貧苦至老不渝守節三十九載現年六十歲

熊應運妻柳氏年二十二夫亡遺孤大琛甫六月堅勵冰操善事翁姑訓子入泮現年六十歲

李鳳妻瞿氏年二十五而寡奉姑撫子勤勞治家守節三十五載現年六十歲

潘鳴九妻梁氏年二十六而寡孝事舅姑撫子成立現年六十歲

鄒祖純妻李氏年二十夫亡奉姑撫子苦節四十載現年六十歲

巴陵縣志

卷之二十

列女

三六

許萬位妻胡氏年二十八夫故矢志撫子蠶織自給現年六十歲

許忠純妻謝氏年二十六夫歿矢志不移事姑孝謹課子力學現年六十歲

昭文主簿劉朝宗繼妻吳氏知書明太義朝宗奉於官氏年二十一扶羸歸里矢志不二撫前室子

如已出每舉列女傳以爲闡訓現年六十歲
陶宣廷繼妻王氏年二十四夫歿撫孤守節現年

六十歲

監生熊崇山妻朱氏年二十八崇山故無子撫

承嗣守節三十二年現年六十歲

林欽文妻蘓氏年十九夫亡無子撫姪承嗣奉事
孀姑冰霜自矢守志四十一年現年六十歲

李本弼妻龔氏年二十六夫亡撫二齡遺孤守節
三十五年現年六十歲

柳錦乾妻李氏年十六適乾一載而寡無出姑羅
氏在堂冀夫兄錦秀生子可繼秀生子洪緒娶李
氏年十五甫數月緒卽亡秀因娶妾王氏年十七
方期有出兄弟皆有嗣無何秀染痰疾逾月亦卒
時姑年八十四三氏同志守貞紡績奉姑乾妻年

巴陵縣志

卷之二十

列女

三九

六十秀妾年四十八緒妻年四十七一門三寡兩
代孀居里黨隣之

李其傑妻賈氏年二十七夫亡守節三十年現年
近六十歲

吳展能妻周氏年二十八夫故遺孤六月氏奉姑
撫幼守節三十一年郡守張五緯給額表其間

周愛若妻楊氏年十七歸周兩載夫亡撫六月孤
至九歲復歿矢志守貞孤苦四十一載嘉慶五年
邑令王有年給額旌之

廖師夏妻張氏年二十六夫卒無子翁姑皆早逝

熒熒無依食苦自甘終始不渝現年五十有八
監生劉適觀妻夏氏二十八歲適觀歿撫孤守節
現年五十有七

高承圭妻李氏年二十三夫亡矢志撫孤事孀姑
暨祖姑孝謹現年五十七歲

黃光前妻李氏年二十四夫亡遺腹生子梧鳳氏
誓不二適事翁姑撫幼子孝慈兼著守節三十三
年教子成諸生

劉德讓妻李氏年二十一德讓早世無子撫姪爲
嗣守節三十六年冰操一致

巴陵縣志

卷之二十

列女

三

張人偉妻龍氏年二十三夫溺水死子方襁褓夫
弟二俱幼氏食貧撫孤暨兩幼叔現年五十七歲
張世訓妻熊氏夫歿氏年十八遺腹生子繼姑欲
奪其志氏誓不再醮清操自勵現年五十有六
王大新妻汪氏年二十三夫亡無子撫姪承嗣教
讀成立事姑以孝聞現年五十有六

李宏詠妻劉氏年二十二于歸兩載夫故僅遺一
女撫姪爲嗣守節三十四年現年五十六歲

任五溪妻劉氏年二十三夫亡遺孤甫數月孝事
孀姑撫子成立守節三十三年現年五十有六

徐德厚母周氏年二十四夫亡遺腹生子家貧守節現年五十六歲

馮輝魯妻陳氏年二十四夫亡乏嗣撫姪承祀事翁姑盡禮現年五十六歲

劉賓九妻方氏翁漢徵無子撫姪賓九爲嗣漢徵歿賓九繼歿氏年二十僅一女姑媳共守復撫堂姪承祀守節三十五年

周品瓊妻許氏年二十六夫亡翁姑早喪氏矢志撫孤暨二幼叔勤苦紡績現年五十五歲

何鉅榮妻陳氏年十八少寡遺腹生子冰操不二

巴陵縣志

卷之二十

列女

三

奉翁撫孤紡績是勤現年五十五歲

生員許良佐妻謝氏年二十八而寡守節撫孤至老不移現年五十五歲

生員姜遇翁妻李氏年二十六夫逝無子撫嗣承祀孤苦守節現年五十五歲

王春元妻張氏年二十五夫故撫姪承祀現年五十四歲

方德錦妻易氏年十九適方一載夫亡無子立志守節撫繼承祀現年五十四歲

隋奕賓妻萬氏年二十三夫亡勤苦守節孀居三

十一年現年五十四歲

彭訓南妻陳氏年二十五訓南卒撫週歲孤矢志守節現年五十四歲

許萬俊繼妻劉氏年十八夫亡前婦子方四歲氏辛勤撫育愛如己出現年五十四歲

蕭天榮妻盧氏年二十三夫歿孝事祖姑暨公姑下撫幼叔遺子均賴成立孀居三十二年現年五十四歲

閻官德妻李氏夫卒氏年甫二十家貧撫孤現年五十四歲

巴陵縣志

卷之二十

列女

三

楊善輝妻劉氏年二十七夫亡遺孤甫五齡守節二十七年現年五十四歲

郭如松妻周氏年二十四而寡清操自矢撫孤成立現年五十三歲

周秉鈞妻孫氏年二十一夫卒撫二歲孤矢志不移事孀姑孝養不衰現年五十三歲

王文照妻李氏年二十三而寡一子僅三歲家貧撫孤苦節三十年現年五十三歲

李振幹妻盧氏年二十夫亡無子撫姪奇世承嗣教讀入泮守志三十二年現年五十二歲

李韶山妻張氏年十九而寡食貧奉姑撫姪
現年五十二歲

楊國忠妻馮氏年二十二夫亡逾月生一女矢志
不二孤守三十年撫姪家萱承祧現年五十二歲
李顯敏妻劉氏年二十二夫亡無子苦節三十年
現年五十二歲

易坤禮妻韓氏年二十而寡無子堅貞自矢杜門
織紉撫姪承祧守節三十二年

趙文錡妻韓氏年二十而寡子甫兩月孀居撫孤
現年五十二歲

巴陵縣志

卷之二十

列女

三三

唐承智妻文氏年二十一夫亡食貧守節歷久不
移現年五十二歲

羅聚簾妻歐氏年二十五夫亡矢志守節現年五
十一歲

彭德銘妻袁氏年二十四夫故無嗣守節不二撫
姪承祧現年五十一歲

彭星言妻龍氏年十九夫亡苦節三十二年現年
五十一歲

周遐齡妻陶氏年二十二夫亡三月遺腹生子勤
勞奉姑撫子成立守節二十九年

任揚烈妻葉氏年二十四夫故生子未一週
守節二十七載現年五十一歲

傅榮章妻杜氏年二十一而寡撫孤守節現年五十一歲

張祖彝妻熊氏年二十夫亡生子甫七日氏柏舟矢節翁萬書以孝廉教讀里中家故貧繼姑復瞽氏敬執婦道紡績撫孤後翁官屏南令歸氏年已五十晨昏之奉必躬必親鄉里稱之

陳學漣妻李氏年二十五夫亡冰霜自守教子同杰入郡庠現年五十餘

巴陵縣志

卷之二十

列女

三

監生龍綬妻張氏年二十八夫卒撫孤教讀食貧自甘貞操三十餘年

劉唐柱妻黃氏夫亡氏年二十立志守節現年五十歲

鄧止淵妻高氏年二十四夫亡奉姑撫子垂老不渝現年五十歲

方紹夔妻許氏年二十夫亡子甫一週守節三十載現年五十歲

潘再奇妻張氏年二十夫遊外歿一子甫歲餘家貧勵節子復得廢疾紡績自給孀居三十年

許同拔妻王氏年十九夫亡守節三十一年現年五十歲

胡天晟妻任氏年二十八而寡辛勤守節現年五十歲

陳允執妻姚氏年二十六夫亡守節矢志靡他現年五十歲

胡達權妻李氏年二十五夫亡一子甫成立旋早世遺腹生孫與媳孤苦共守現年五十歲

王加富妻向氏年二十夫亡撫孤冰操三十載事翁姑孝謹嘉慶八年郡守張五緯旌其門

巴陵縣志

卷之二十

列女

三五

生員劉卿妻丁氏年二十五夫亡撫孤守節孀居五十年清操無玷

徐維新妻李氏年二十二夫亡奉姑教子守節三十年

吳道光妻劉氏年十九歸吳生子甫一週撫子守節現年五十歲

陳同煥妻姜氏年二十一夫亡遺腹生子矢志撫孤翁姑慮其少寡氏截髮明志守節三十年

方宣綺妻盧氏二十四而寡姑亡事舅盡禮夫從兄季弟夫婦皆早卒氏撫諸姪如已出教子願入

郡庠現年近五十

費九世妻何氏年二十四夫亡柏舟自矢姑彭
早故事繼姑克盡孝敬教子入成均嘉慶八年
守汪泮邑令莊繩武俱表之以額

王天柱妻龍氏夫早逝撫週歲孤振鳳成立娶媳
韓氏振鳳旋卒遺腹生子姑媳相依爲命共育遺
孤清操不渝現年近五十

任邦富妻毛氏年二十一歸任兩載夫亡遺腹生
子守節二十餘載現年近五十

陳期懋妻陶氏性端淑事翁姑孝謹期懋勤學致

巴陵縣志

卷之二十

列女

三十六

疾卒氏年甫二十矢志撫孤無何二子皆殤氏慘
慟幾死撫姪志均爲嗣視如己出現年四十九歲
嗣子入成均

監生熊奎蕃側室汪氏奎與嫡妻相繼早世氏年
二十四遺二子長甫二週次遺腹生撫養教讀克
盡婦道現年四十有九

陳光照妻汪氏年二十夫歿生子甫七月矢志守
貞撫孤成立現年四十九歲

黃世達妻張氏世達苦學早卒氏年二十五矢志
守節

張友孟妻蘓氏年二十而寡撫子希且甫成立旋
早世與媳夏氏同守冰操孤苦六十餘載

劉天申妻李氏年二十一生子甫一月夫卒苦志
撫孤守節三十年子德榜入太學

龍蓋凡妻楊氏夫早逝辛勤撫孤至老不渝守志
四十三年

劉德松妻車氏于歸一載生子經盛甫七月夫歿
氏甘貧自守上事祖姑暨公姑維謹無何經盛又
卒零丁孤苦孀居三十一載

龍左井妻顏氏年十九夫亡青年守節撫孤成立

巴陵縣志

卷之二十

列女

三七

孀居五十一年

陳祖衡妻許氏年二十一適陳兩載夫亡遺腹生
子堅貞自矢撫孤成立守節四十三載

周建萬妻潘氏年二十六而寡子甫三齡奉養舅
姑撫子成立苦節四十二年

李英妻傅氏年二十七夫亡家貧子幼勤苦自給
守節三十八載

宋清權妻袁氏年二十六夫故矢志守節現年五
十二歲

李象羲妻顏氏年二十六而寡孀居三十一年

周宗仁妻柯氏年二十二宗仁歿氏誓守節現年四十八歲

夏國忠妻蕪氏年二十一國忠亡奉姑撫子現年四十七歲

鄭世珩妻梁氏年二十夫亡生子僅數月守節一十七年現年四十七歲

劉東秀妻李氏年二十二歲而寡撫孤守節現年四十七歲

張啟甲妻趙氏年十九夫亡日生一子家貧苦節二十八年現年四十七歲

巴陵縣志

卷之二十

列女

三

彭應高妻高氏年十九夫亡無子奉養翁姑紡績自贍守節二十八年

鄧復勝妻熊氏早歲夫亡矢志靡他撫孤教讀現年四十六歲

姜廷詔妻蔣氏年二十夫亡無子撫姪承祧守節二十六年現年四十六歲

監生許忠大妻方氏年二十二而寡守節撫子妾王氏遺腹生子氏一體教育同勵清操方現年五

十一王年四十有六

盧之杏妻許氏事姑孝夫亡年甫十七無子懇痛

欲殉姑曰其若吾老病何乃止杜門屏息冰霜
守現年四十六歲

張爵妻賀氏年十九少寡矢志不二守節二十六
年現年四十五歲

胡文璜妻文氏年二十夫亡無出撫姪爲嗣延師
訓讀現年近五旬

傅加祿妻林氏夫逝守節至老不渝捐修橋梁里
黨稱之

傅慶銘妻姚氏夫早逝矢志守節謹事翁姑至老
不懈

巴陵縣志

卷之二十

列女

三九

萬熙相妻楊氏年二十八夫故遺子邦襄甫十齡
旋歿繼姪承祀辛勤守節五十餘年白首無玷

烈婦

秦

羅氏古羅城人父爲鐵官舟歿洞庭女年十六攜
其弟循涯哭求父尸弗獲俱赴水死後人常於湖
上見之因建淑濟祠祠之宋元豐間封爲孝烈妃
餘詳其弟孝行傳見省志

宋

韓氏女字希孟丞相琦之裔女少明慧知讀書聞

慶元年元兵破岳陽女年十八為賊所掠誓不反

裂練裙為詩見志遂赴水死越三日尸出得詩於

衣帶中見宋史列女傳按希孟韓魏公五世孫適襄陽賈尚書子瓊死後三

十年托趙松雪書其詩詩見藝文事詳摺據

徐君寶妻失其氏同韓氏女為元兵所掠韓氏死

繫至杭州主者數犯之不從以有令色卒亦弗殺

惟防之益密一日給主者曰祭謝先夫即為君婦

主者諾乃得聞焚香南向再拜泣題滿庭芳詞一

首於壁上遂投水死見楚寶附題詞漢上繁華江

流綠窻朱戶十里爛銀鈎一日刀兵齊舉旌旗擁百萬貔貅長驅入歌臺舞榭風轉落花愁清平三

巴陵縣志

卷之二十

列女 罕

百載典章文物掃地俱休幸此身未北猶客南州破鏡徐郎何在空惆悵相見無由從今後斷魂千里夜夜岳陽樓

國朝

許興文妻康氏夫婦俱為賊所執恐夫不免給賊

曰釋吾夫願從汝賊釋其夫至曾家港遽躍水死

後獲其尸葬於河岸虎形山興文誓不再娶致無

嗣有司旌其門見一統志按一統志失興文名今從許氏家譜補之

姜振德妻劉氏崇正末闖賊陷城夫與姑俱被戮

劉目繼見一統志

許春燕妻馮氏獻賊之亂氏被兵擄義不受辱撞

石死見省志

章曠妾陳氏曠守湘陰轉戰楚粵間令陳依其父
光國且囑曰吾以身許國生死不保汝有可托命
處當改適遂僑寓邑之溪口後曠殉難於東安有
武弁陶某聞其美脅陳父欲娶之逼令登舟至深
潭遽躍水死邑紳黃秀有詩弔之云半壁東南力
莫支孤城一死復何疑斑斑淚血凝叢竹好伴蒼
梧帝女祠見省志

丁德裕妻馮氏翁綬官桃源學博氏歸官舍即得
翁姑歡裕病侍奉湯藥常廢飲食逾年裕亡具殮

巴陵縣志

卷之二十

列女

四

畢入房一痛自盡姑覺入視而氏已僵矣郡守上
其事題旌表

潘魯英繼妻陳氏醴陵訓導陳元龍之幼女夫故
時氏年二十四晝夜哀號不絕越數月積雪彌旬
寒風刺肌骨氏適墓長跪痛哭竟日淚血交下日
暮下山赴澗水死

周開柏妻蔣氏年二十二夫亡無子誓死同穴晝
夜悲泣逾月抱恨而卒族黨哀其志爲之擇繼以
承祀

傅會同妻張氏年二十五會同落水死家貧無子

誓以身殉撫棺悼痛哭不絕聲家人防閑甚密氏給之曰吾夫未葬吾豈輕死耶強起殮殯延三日閉戶自經族黨哀之爲之與夫同穴而瘞

李之經妻龍氏年二十歸李三載夫病瘵氏手進湯藥衣不解帶逾年夫卒家貧無子氏誓與同穴哭不絕聲每囑夫弟善事姑姑防閑密命同寢榻氏忍死治喪甫七日夫弟之綸防守華邑請嫂伴姑同往汛署氏以叔年壯未婚殊不便胞兄用華欲迎歸依嫂氏曰兄且旋待籌之明日我自得所矣是夜伺姑熟睡潛起檢嫁時衣裳更著紉固遂

巴陵縣志

卷之二十

列女

四十一

投繯死

李士翰妻王氏年二十一適翰姑早逝家貧無子翰欲謀遠賈誓無餘資不返囑氏善事翁無變志氏以死守對翰出十載無音耗氏紡績事翁毫無怨懟有自蜀來者云在蜀翁遣弟往覓無跡氏痛毀骨立誓不欲生翁憐其孤貧勸令改適氏曰媳無子又無可繼者翁老不能養反以累翁媳籌之熟矣是夜卽扃戶縊

唐嘉亨妻姚氏于歸四載年二十五夫病垂死慮氏青年無子家貧難守氏知夫病不起誓志先死

以免夫慮夫止之曰我負卿卿死何益擇可托
好自爲計氏佯應曰醫言君脈未絕另有良方服
之猶可望愈也我辦藥去遂閉戶自縊後三日嘉
亨亦卒

貞女

國朝

李三姑李四華女四華以三姑許臨湘某爲妾三

姑不從遂終身不嫁見省志

按丙寅府志以不嫁爲於義無取未列正

傳今從省志載之并考楊翔鳳自牧園集貞女傳云何三姑何氏女第三以姊妹行實兄一姊二父顯祖北直人由羊曲縣尹知山西忻州以身捍邊死國事遺孤寡無託適巴人李四華官鹽運大使

巴陵縣志

卷之二十

列女

聖

娶其婦攜幼兒女仔滿回里家於茅田撫子成立
遣其二女惟三姑在室年及笄湘人李明經初艱
嗣息急求婚媾而四華亂命諾之姑未知也迨四
華捐館明經始委禽姑不納亦不顯逆繼父命恐
傷母志假病蓬首垢面登樓絕世數載迨甲寅明
經元配沈氏親來縱與甘說以恬退房老避位正
室之意姑閉戶自經踰垣赴溺百計救免志不可
奪烈烈轟轟沈與先內大人推姑姪分過候出居
余有從來堯舜事未必在閨中之句已識其始而
莫知究竟何如年來明經推之食標使者於外明
經持先人服致之亦拒叱嚴峻其不屑爲明經婦
也明矣久之賢豪企仰姨舅相攸婉辭誘掖則義
形於色已不爲明經婦寧爲他人婦哉以貞女稱
宜也然所處豐豫或足以養其廉生其恥所近詩
書或可以壯其志氣勉其義勇無柰侍一孀母家
無應門無厖吠且謝去些微產業不理以其姊妹
兄遊難供賦稅資傭役故堂鮮他屢室履冰蔬見
何卓然早不謀暮午夜篝火作勞杼軸得一絲以
佐母殮身屢凍餒不怨不尤今登五十矣豈一朝
一夕故乎里人榜其楣而乞余言以誌之如何外

史氏曰居人間世所作何事讀聖賢書所尚何事
夫婦五倫之首亦爲人生之毒得之極於忠孝生
之恣於佚欲苟一毫之不審遂百身而莫贖況
面與忍顏盡能文而厚祿非無古人可學只是今
皆不足試觀貞女所爲豈待前言引誘止知反哺
爲恩更厭雌雄息畜卽凡烈婦貞妻或爲夫與其
後今姑無子無夫專一惟知不欲值茲世亂家貧
指水盟心可掬若僅舍生一朝猶謂昧於溝瀆此
等正氣剛腸聞之令人膽服不啻閨中之女且效
窮途之哭吳山宗伯有言幽德發光馥郁姑視名
等蠅蠅一時異世堪勗鼠羅古已飛昇衡山
待汝鼎足作者原無庸心述之贊揚恐後

傅新香吏員傅然聖之女幼字未嫁而偶折誓不
再配守貞不渝卒年七十有六

傅清姑監生傅端位之女知書明大義未字父早
逝矢志奉母極盡孝謹冰操至老愈篤卒年六十

巴陵縣志

卷之二十

列女

四

五歲

馮氏馮獻武女幼許李祥福年十四未婚夫遠出
矢志待夫就養夫家事舅姑惟謹夫終不返家貧
父母欲奪其志氏誓不二天茹苦自守年四十卒
張氏張邦柱女幼許熊宗輔年二十未適宗輔歿
女聞訃素服奔喪扶靈守貞終身不字敬事翁姑
井曰親操撫姪岳蕃承夫祀教養成名乾隆五十
三年 旌表建坊

蔣四姑蔣瀚之女幼許方宣燈未嫁燈遠出不歸
女誓不他字父母早亡撫諸弱弟暨諸姪教讀完

配備極辛勤守貞四十年現年六十二歲
趙氏趙文興女幼許姜廷瑜未適而瑜歿女年十
四聞訃匍匐夫家矢志守貞繼姪承祀現年四十
七歲

〔孝婦〕

國朝

許誠亮妻李氏翁老病危篤誠亮醫卜皆窮慘急
無計氏禱天割股和藥以進翁是夕夢神賜藥詣
朝遂起鄉鄰以爲孝感

涂林燿妻何氏燿得咳血疾醫治罔效氏禱神割
巴陵縣志 卷之二十 列女 五
股和粥以進燿竟獲痊郡守田爾易邑令武聯聲
均獎有詩

趙禹梓妻王氏梓早卒與姑共傭居姑病危醫藥
罔效氏痛切引刀割股姑病尋愈克享高年壬午
八十而卒

方城妻吳氏家貧生子不育夫病篤氏割股肉和
羹以進夫卒氏年二十四矢志奉姑姑病醫藥罔
效復禱神割股願以身代後撫姪承嗣孤苦四十
三年現年六十七歲

宋師學妻熊氏夫早逝姑性潔善病每卧不起氏

以口進食患腸瀉晝夜數十行氏以手盛不汚床褥紡績供膳姑得頤壽終

生員白光震妻董氏夫亡遺一子復歿撫姪承祀改葬舅姑暨夫墳建祠廬墓朝夕奉祀督學吳省蘭給額獎之

監生李炳妻蔣氏性柔順明大義姑彭氏病廢舉止需人氏加意調護躬侍湯藥三年不倦所以身代年四十五卒鄉里稱孝

附賢婦

漢

巴陵縣志

卷之二十

列女

四

胡寧妻趙氏寧早卒氏訓孤子以義方子灝拜濟陰守會榮陽寇亂氏方寢疾灝欲遲其行氏力疾起促灝之官疾亦旋愈見丙寅府志

國朝

方天合妻許氏夫早喪氏獨居教子好行其德雍正五年大饑賑粥數月每冬寒製絮衣以給鄉里造三舟以濟南津港三江幫諸渡輸金助修三眼橋年八十餘卒人誦其賢見省志

監生陶經綸妻廖氏夫卧病多年氏日侍湯藥不倦每籲天祈以身代姑早喪翁官於浙氏治家皆

有法翁卒撫幼叔小姑嫁娶盡禮族鄰有貧者輒任恤之教子嚴而馭下寬人稱其賢

監生王一清妻楊氏年二十五而寡上事寡姑下撫諸子孝慈兼至承夫志建茶亭置義田以便行旅乾隆戊戌歲歉減價糶穀貧不能糶者借貸之比冬寒還質焚券不責其債年六十卒子皆成立
廖勝霖妻方氏性端謹教子有方乾隆戊戌歲歉易簪珥以自存里中窶人有貸者輒分給之不責其債族有孤子病篤氏收養調治賴以存活暮年奉髦舅飲食必躬親里黨賢之

巴陵縣志

卷之二十

列女

七

監生劉東美繼妻駱氏于歸三載生一子夫亡專舅姑孝謹撫前夫二子視如已出乾隆戊戌歲歉減價糶穀有質穀不能償者盡還其質鄉里稱賢
職員馮天朗妻張氏夫早逝子良楨甫五齡繼姑患癱疾起居需人氏左右奉養終身不懈教子入泮撫姪如已出咸以賢稱

許東林妻劉氏夫歿子幼家徒四壁紡績送子力學均獲成名長萬芳食廩餼次萬菁列明經

監生張承恩妻李氏夫亡撫子治家有法延師教子入泮序列成均者四人

劉偉之母方氏夫早世幽閑淑慎治家有法延師教子成名

孫尙見妻曾氏性沉靜端莊不苟言笑童年適孫卽能善事舅姑尙見早世子文軒甫八歲氏教管甚嚴不少姑息治家有法卒年八十餘

彭列五妻方氏列五早卒氏事姑維謹委曲承順撫孤成立長應元年二十喪妻遺一子終身不娶孝友力耕次應徵登賢書應徵成諸生

孫家柱妻陳氏夫早世氏奉姑孝謹喪葬盡禮年七十八克修婦職嘉慶五年縣令王有年給額表

巴陵縣志

卷之二十

列女

四

其門

趙李氏趙棣之妻棣少孤無兄弟氏僅二女爲棣置側室生二子棣卒子幼氏撫如己出教養成立族黨稱賢

附壽婦

李爾熾妻陳氏秉性仁慈壽一百歲乾隆三十六年恩賚粟帛

許體乾妻羊氏秉性溫恭勤儉持家年一百歲無疾而終

謝榮三妻楊氏眼觀四代精力康強現年九十八

陳西川妻劉氏曾元統際五代同堂現年九十四
生員李之龍妻曾氏年九十三歲五代同堂

論曰漸臺守符貞姬御聘楚蓋多賢媛哉乃東
陵之以節著者宋史獨載韓希孟一人何其少
也豈非以全節者難與今夫閭巷巾幗之倫非
有詩書之教圖史之勉姆訓保誨之勤篤也況
心弦於存亡境移於順逆或親盡孤藐貧迍勢
凌而能爾然不滓介石全操可不謂難乎或頗
有採風者復不時至而窮嫠之力又無以自達

巴陵縣志

卷之二十

列女

四九

此斷臂封髮之懿行有傳有不傳也我

國家崇倫獎化為教明而成俗美故秉禮自守者
為多擷芳闈幽宜其衆矣昔李翱作高懸女碑
請賞一女而天下勸亦王化之大端表厥芳徽
寧非彌世靡俗之一道哉

陳玉蓮論曰後世風俗之美有隆於三代者乎
曰有之其帶節婦平婚姻之禮至周公而始正
然春秋二百四十年其妻伯姬之外無聞焉若
是乎守節之難也今豈惟詩書士族固寡
屋莫不知再醮為可恥君山瑛竹淚滿三妃

千餘年之後尙足以感動耶是何風俗之隆也
余嘗與友人觀如圃文牒言之如圃悚然曰此
程朱之遺澤長也余深味其言良然